

ինչպես միշտ յայտնի ըրած էք՝ թէ նորա ոգին ի ձեզ կենդանի է. երբ ազգը պետք ունենա, կը դիմեմ ձեզ, ապահով եղիք. հիմիկուհիմայ կրնաք Սարգսի հրամայել, որ հազար հոգուոյ ընտիր խումբ մը կազմէ եւ պետք եղած ժամանակը ինք անձամբ առաջնորդելով, հոն բերէ ուր ես հրամայեմ: Գարնան հաւանական թէ պետք ունենանք ընտիր խումբի մը. ո՛ր գիտէ, բախտը ի՞նչ կը պահէ մեզի:

— Բայց,— ըսաւ Տիկինը,— դու որ այդ աներակաց եւ թշուառներուն այց ըրիր Գողթն, Նախջեւան եւ Կոզովիտ, ես գթեզ կը ճանչեմ, անշուշտ այդ խեղճերուն տուիր ինչ ունեիր, եւ հիմա ստակի պետք ունիս Ռշտունեաց երկիրը հեռու է. ուստի կարելոր պիտույից համար հարկաւոր եղածը առնունք եւ այնպէս դռները գոցենք:

Եւ ինչպէս ըսաւ այնպէս էլ ըրաւ: Թեոդորոս կանչելով իր գանձապետը յանձնեց թանի մը քսակ ոսկուոյ: Եւ երբ միայն մնացին այն ատեն սկսաւ իշխանը Տիկնոջ յայտնել իր մտքերը Յայաստանի եւ Ասպետին փրկութեան համար, վասնզի նորա ներկայութիւնը անհրաժեշտ կը համարէր այն մեծ գործին: